

四庫全書

集部

欽定四庫全書

樵李詩繫卷三十二

平湖沈李友編

明

玉芝和尚法聚

法聚號月泉嘉興人出家海鹽資聖寺嘉靖間嘗  
結庵澈湖荆山芝產座下人稱玉芝和尚後居武  
康天池示寂聚初投偈於王陽明陽明有荅人問

良知詩即聚也晚叅夢居禪師得悟與王畿蔡汝楠唐樞董澐諸公共證儒釋大同之旨焦弱侯稱其透脫為不可得有龍南漫藁

題樂耕卷

小隱鹿門遠躬耕意自便  
野花茅屋徑春水石溪田黃犢  
林邊雨青蓑谷口煙謳歌忘帝力  
人在太初年

陪金侍御泛南湖

看山遇雨好移席與雲進舟楫  
還今日鶯花只舊時宮

袍明白豸僧菜出青絲山簡風流在峰巒入詠詩

西湖和錢公溥學士

大堤迴接鳳山遙金勒東風細馬驕芳草不知埋帝舄  
柳枝猶是學宮腰天空水月三千頃春老鶯花十二橋  
聞說樓船醉年少平章獨免紫宸朝

吳山秋望呈張侍御

子胥廟前江日晡越王城頭雲有無故宮臺榭幾黃蘗  
南渡寢園今綠蕪長蘧關山瞻北固清尊花鳥傍西湖

金史卷之三十二  
卷三十二  
不堪落木蕭蕭際破屋炊烟幾處孤

石城夜泊

石城山勢鬱宮堯燕子磯寒落暮潮雲際樓臺開佛界  
水邊巖洞繫漁舫龍蟠鳳翥留雙闕草色江聲漫六朝  
形勝不殊傷往事短篷春雨坐瀟瀟

越王臺

越王臺上客登臨范蠡湖頭草正新敵國荒涼吳鹿豕  
故宮行在宋君臣杖藜遠塞風烟暮花木深城雨露春

往事不須悲落日高歌獨立恐傷神

冬谿道人方澤

方澤字雲望後稱冬谿號無叅嘉善人嘉靖間住  
秀水精巖寺嗣法濟法舟生稟異質日誦萬言詩  
倡文章下筆無碍一時如唐荆川張王屋方棠陵  
徐子與王敬美彭沖溪陸五臺輩皆敬事之有華  
嚴要畧内外集

與諸友

庭前春候歸細草發柔翠坐感東逝波忽焉薄秋季風  
淒木葉下霜冽鴻鴈至物化無暫停前修歎交臂役利  
已困愚賔名亦牽智所以英俊人兢兢自磨勵

送吳山人

落葉滿江邊秋風急暮蟬我思天姥寺君上洞庭船東  
帛丘園少徵兵澤國連不知方處士鍊藥幾時仙

仇生

仇生有父風能畫擅江東縹緲千峯勢巔岼尺素中坐

增吳苑秀不謝輞川工  
倘寫天台勝添予補衲翁

送范菁山之任雲南

北望雲霄迴南征道路長  
山逢驅象客地入卜雞鄉  
碧海常飛霧青林不隕霜  
聖君勞禦遠非似漢文皇

西天目高峰塔院

千丈巖扉不易登  
真身長闕最高層  
日中乍見馴簷鳥  
雲外時逢禮壇僧  
行道石邊分異草  
挂衣松上綰長藤  
青年即有棲遲約  
白首誰知尚未能



送玄岳入京

故人多半在燕京病裏逢君話北征可是秋來無定力  
千重離思一時生

溪莊即事

寒過西堂布被重江頭楓葉想應紅天明自起看霜色  
不在江頭在鏡中

守節

守節號虛堂雪江之嗣孫與仇博士董漢陽唱和

有東林遺稿

秋晚

鴻鴈過滄溟前林木葉零露華侵曉  
白山色逼秋青微  
霽金塘水高寒玉宇星幽居聊自適  
不覺醉初醒

左街講師正念

正念字西洲秀水三塔寺僧世宗朝以詩中式拜  
僧錄左街講師

送林平厓之京

八月高槐樹樹花平橋流水逐溪斜  
比來北雁無音問望入南雲有歲華  
燈火幾羣蝦菜市朋從何處斗牛槎  
酒杯碁局平生事白首都城別是家

送王生歸蜀

已從三巴來復向三巴去  
借問行路難猿啼子規語

圓理

圓理字雲東秀水天寧寺僧有漫藁二卷

慈雲嶺

徑仄緣蘿上山空伐木聞兩崖危石抱衆壑細流分曉  
竹含蒼靄春田護白雲回看萬松裏惟有鹿麋羣

景昂

景昂字雪巖秀水東禪寺僧

秋日過邨友

老翁家住瀼田西占斷風光花滿畦巖桂香浮秋氣早  
江楓紅映夕陽低浩歌閒引林間鶴沈醉能聞午夜雞  
最喜歲豐新釀熟時邀六逸過潛溪

無趣老人如空

如空自號無趣老人秀水人俗姓施未為僧究心  
內典適野翁曉禪師寓東塔老人往謁盡闕夙解  
益自刻志夜半聞雞鳴大悟曉師遂付衣鉢羅染  
居敬畏庵萬曆己卯付法於弟子性沖曰明歲仲  
秋五六之期吾欲遠行子宜來及期沖至老人示  
微疾說偈而逝

漫成

我懶不出戶白雲常在山雲應嗤我懶我愛白雲閒

如本

如本字南詢嘉興白蓮寺僧善書

天台道中

松林行盡又梅林流水閒雲無住心從此西盤千萬嶺  
逢人莫問幾多深

戒襄上人

戒襄字子成號平野海鹽天寧寺僧石林之法嗣

體魁碩如布袋和尚幼事文衡山又與張靖之許  
雲邨陳勾溪朱西邨遊吟道不在雪江冬溪下能  
書兼善蘭竹畫山水亦斐疊不輕為人作有禪餘  
集沈嘉則序之

烏夜邨

烏夜邨邊烏夜樓月落霜天烏夜啼昔年皇后墳中樹  
樹盡為新空有墓今日名留烏夜邨烏飛何處樹無存  
千秋陳跡荒郊外風草蕭蕭吹墓門

春日寄鏡池上人

香林春二月烟靄日冥濛  
灑徑桃花雨飄簾燕子風  
客來青嶂外犬吠綠蘿中  
借問今支遁何如舊遠公

山居

鴈堂依綠水萬木翠陰遮  
沙暖魚吹沫山春雀啄花  
惠風舒柳眼穀雨長茶芽  
室內巖獅座門前閒鹿車

居山

幽居山水間蓬戶靜長關  
有月皆含水無雲不戀山  
香



浮茶椀細花落筆牀閒數日稀來客庭階蘚積斑

硤川道中

雙峯高處占僧家夾浦橋連斷岸斜槐市客沽吳女酒  
柳堤人賣蜀葵花蠶山處處收冰繭秧畝村村動水車  
風俗尚傳前晉事葛洪井畔有丹砂

曉過橫塘

半幅蒲帆九里汀石湖秋水接天青舟人指點蘼蕪外  
一帶青山是洞庭

越王臺

辛夷花落海棠開  
吳苑春深燕子來  
野衲不關今古事  
坐看雲過越王臺

出山

黃歷無書歲月移  
白頭不記入山時  
出山借問經過客  
春到梅花第幾枝

定湖老人真謚

真謚自號定湖老人  
隆萬間秀水真如寺僧  
冬谿

之門人也有學行叅方歸後構室三楹於長水法  
師墓側遠屋四五畝細竹翠烟碧霧籠密深通蛇  
徑風過之蕭然非禪流韵士即藏躲不出王百谷  
至每信宿不去栖靜三十年有谷聲集詩語淡雋  
與項少岳同調項子京為作定湖圖

掃長水大師墓雪作

同雲四望暗雨雪七日多祇樹絡珠纓古塔起嵯峨南  
圃子舊業莊嚴復如何躡屐獨自往樵採蹊徑訛鳥雀

寂不喧草木皆已皤前修有遺蹟長水宰堵波皜皜表  
梵行行堅喻尸羅停立邈年歲四百春秋過竊忝藐裔  
孫掃除倚中阿運帚拂其上寒風動松蘿繚繞還再拂  
彌天曜羲和清淨本自然斯言良不磨

結夏

小構碧溪上叢篁獨閉關風從高樹落雲向別峯還忍  
草時趺坐蓮花日照顏却嫌空谷響猶是未忘山

圓憲

圓憲字心柏秀水天寧寺僧有青蓮居藁

過福源寺訪梵華禪師

孤城來數里紅樹幾家村  
曲水深藏寺扁舟直到門  
清言能不厭碧眼笑長存  
禪指空千劫知君道故尊

懷黃山吳仲玉

千里黃山別幾年冥鴻不見一書傳  
昨宵忽共殘燈夢三十六峰青插天

訪清真觀俞道士

黃庭書罷復題詩白石燒殘又采芝  
還道日長閒不得  
青天跨鶴夜歸遲

方潤

方潤字梅溪秀水精嚴寺僧

東明寺

沙口東明寺迴峯暝復登  
烟封捫鳥樹石抱挂猿藤  
過水留雲磬明龕上佛燈  
永言同白業脫屣卧巖層

德勝

德勝字梵華號律山嘉善人世姓蔣居嘉興福源  
菴又名祁堂菴有藕花社集

同張生宿吳興山中

落日宿溪亭僧堂雨乍醒振衣濕嵐翠開戶滴松青瓢  
挂半邨月溪流萬壑星爾曹全借色何以荅山靈

海汎詞二首

有引

古有出塞涼州等曲極言邊塞兵戍之苦今東南  
定海關外楊周諸山守汎者屢因倭警風景淒涼

殆有甚焉竊怪詞家不形賦咏用補絕句二章

百萬人看青海月兩三冠嘯白旂風洪濤怒激雪山立  
落日夷歌別島中

羽書南海報猖狂守汎樓船黑水洋忽聽倭酋螺四起  
教人一夜鬢如霜

晚巖上人斯德

斯德號晚巖海鹽天寧寺僧有金粟齋稿

嘉禾夜歸



我行非旅涉何事亦黃昏螢火禁風淡蛙聲過雨喧一  
燈魚子艇三戶酒家村漸見東來月蒼蒼照海門

贈一初闕主

坐關期必悟善閉不緘滕丈室寒暄外高窓晝夜燈巢  
林多施鳥乞市有歸僧莫受天厨供令人說小乘

春日遊城南園贈主人

霽雨日暉暉佳辰處士園池通九折水地接五家村茂  
草全迷徑高花半出垣知君學桃李寂寞自無言

法濟

法濟字慈航嘉興人石佛寺僧有竹閒語

得養性兄書

故人寄我白雲牋夢裏深談去住緣萍散偶隨鷗浪遠  
松高不免兔絲纏舒懷晚嘯千巖月薄視秋橫萬里天  
懸想已知河海味歸來共煮故山泉

本中

本中字養性嘉興石佛寺僧禪林詩輯又有海鹽

釋本中另見

過本覺寺三過堂

文翁蘭若接邨墟  
滿徑蒿萊歲月餘  
塔擁珠光銜舍利  
池涵碧水浸芙蕖  
疎花鳥語和清梵  
古壁蝸涎學篆書  
寂寂空堂誰復過  
去來今事總成虛

戒言

戒言號少林海鹽天寧寺雪江之玄孫有五畝山

居少林遺藁

題田家

野老林居竹樹低  
白頭志願樂卑棲  
石缸新水魚貪荇  
茅屋深村燕惜泥  
明月采菱歸渡口  
梨花沽酒過村西  
由來生事須當計  
學稼何妨復灌畦

戒逸

戒逸海鹽天寧寺僧

山居

小窗擁被晝偏永  
高枕寥寥聽雨眠  
匣中古鏡有片月

壁月素琴無一絃春深何事寒更作落落幾番風夜顛  
東郭美人期不至維摩有室榻空懸

紫柏大師真可

真可字達觀號紫柏俗出吳江沈氏嘗居嘉善荒  
墩五歲不語有異僧過其門摩頂謂曰此兒出家  
當為人天師言訖不見遂能言兒時志氣雄放不  
可羈勒年十七仗劍遊塞上至蘇州遇雨宿虎丘  
聞僧夜誦八十八佛名心大悅即薙髮嘗過匡山

窮相宗奧義遊五臺至京師參徧融笑巖諸老發  
明大事還住嘉善景德寺掩關三年郡城楞嚴寺  
久為勢豪割其半志欲復之萬厯壬辰至京於石  
經山得佛舍利王函聞於慈聖太后賜紫伽黎迎  
供因奏請興復楞嚴又刻藏經於徑山復戒壇於  
檀柘西遊峨眉下瞿塘過荆襄登太和憩匡廬復  
歸宗古寺後聞慈山師以弘法被難遠戍雷陽嘆  
曰法門無人矣南康太守吳寶秀以磽稅被逮其

妻投繯死嘆曰閹人橫行至此世道不可為矣乃  
決策入都曰海印不歸我為法一大負殫稅不止  
我救世一大負傳燈錄不續我慧命一大負捨此  
一具貧骨釋此三負不復走王舍城矣及妖書獄  
起逮入詔獄執政意在鉤黨欲牽連殺之被笞血  
肉狼籍索浴說偈堅坐而逝

牢山訪憨山清公不值

吾道沈冥久誰倡齊魯風聞來居海北名誤落山東水

接田橫島雲連慧炬峰相尋不相見踏徧法身中

楞嚴廢寺

萬花叢裏畫樓新玉女凭欄天上春明月一輪簾外冷  
夜深曾照坐禪人

吳氏廢園二首

汾陽門第晉風流縹緲湖山感勝遊今日松蘿誰是主  
斷雲殘月鎖江樓

築成金屋貯嬋娟草靡花迷知幾年愁見向來歌舞地



古槐疎柳起寒烟

重至荒墩庵

流水桃花大士家  
道人曾此泛星槎  
白牛塘上閒吹笛  
歸去兒童日已斜

紺園詩老明曠

明曠字公朗隆萬間  
崇德崇福寺僧蚤見知於沈  
嘉則黃貞父諸公  
四方作者過禦兒必與遊  
善病築寶函樓居其上  
西南可望皋亭諸山同邑郭舜

舉輩結社爰山招之賦詩著有紺園集沈嘗有詩

寄之云憶汝從遊日追予尚盛年傳心招秀句授

法準佳篇簷蔔齋香篆禦兒溪水船追隨宋居士

初賜吟詠謝九仙

道化

風日朋儔合騷壇爾我偏名園

友芳勝畫筆許舟傳

士戴

大運蒼茫裏飛埃桑海前

一從鳬令去

呂大心

遂斷虎溪緣夢接真關想書來

詎偶然新詩三過讀白雪五成絃頓悟知禪理明

心見道筌從茲超上乘笑殺辟支禪

山陰道中

蘭舸逐江開，秋深勾踐臺。  
探奇從竹箭，即事坐莓苔。  
白雁行行急，丹楓樹樹摧。  
霞標望不極，疑是赤城來。

秋日同吳公治明府沈孺真沈稚圭沈伯龍李  
莫勝郭張虛諸丈結社大雅山堂得書字

竹掩西園引鹿車，傍城丘壑混樵魚。  
霜蕪半入林堂屐，風籟時侵石几書。  
白社多情高士駕，青山無恙野人居。  
不緣湖海成嘉會，那得驪珠薄紫虛。

別友

昨逢山寺中今送清谿口山水無別顏行人自分手

傳相

傳相字無為號鹿林桐鄉鳳鳴寺僧有薰蕕漫藁

慕果軒鏡園集

九日登東林山沈東老遇仙處

貝錦峰登九日中孤村小寺有淳風長歌欲問當年事  
回首斜陽滿樹紅

明導

明導字心空桐鄉密印寺僧

與顏將軍樊昌過楊庵

林間一聚首莫謂非夙心勝偶難再逢明日豈似今殘  
紅已落盡子規無續音向夕來涼風故吹分別襟

海白

海白字法朗號慈澗宗德西林寺僧明曠法孫

孫德超過訪不值有寄

訪客出林去那知客到家有童翻貝葉未解出茶瓜細  
草風行滑高花雨照斜此時還待爾重過說三車

廣化禪師

廣化字無期嘉興梅溪人住海鹽天寧寺有唾餘  
集與王百谷趙凡夫姚叔祥項子瞻唱和重建古  
東林社雲棲大師曰化公叢林高表不染時風

聖水寺禮中峰國師塔

捫蘿石磴上孤塔雲悠悠半偈殘碑盡三朝白骨留寒

燈明破殿莫雨洗荒楸一段開山事西風黃葉秋

夜宿田家因贈

相逢不知姓竹榻欵高眠白髮人雙口青山水一田  
槿籬浮宿雨茅屋濕秋烟近說寬租稅牀頭有酒錢

夜投慧花庵

黃昏仍買渡一水就南村路黑人歸語天寒僧閉門  
斷烟橫徑口殘雪凍籬根感切雲萍話青燈弔夢魂

斯雲

斯雲字抱石萬厯間海鹽天寧寺僧後住平湖西  
林終老徑山有花香社草

阻風龍潭驛

千里橫江望驚濤白馬奔征帆歌別岸飛鳥沒孤邨雨  
濕春常暝天寒日易昏自憐為客久愁絕向誰論

重過廣福寺

高樹昔年曾挂錫不期重問說經臺門前山色渾無恙  
却笑老僧忙去來



黃葉老僧智舫

智舫字葦如號秋潭嘉興梅溪人居秀水金明寺  
晚構黃葉庵於西郊自稱黃葉老人修竹百竿手  
自拂拭客至拾落葉煮茶移時無寒暄語工詩擅  
行草吳越士大夫慕謁者接踵與沈純甫吳少君  
陳眉公殷方叔交善陳贈詩云人與寒雲淡身如  
秋葉輕非關住禪寂兼欲遣詩名羣稱為僧中黃  
叔度行脚三十餘年道價隆重諸方禮為耆宿而

不說法領衆不立侍者書記詩名滿東南而無專  
集日煨品字柴支折脚鐺咿唔黃葉堆中發為詞  
章實足邁今軼古同郡譚梁生休寧葉熙時輩各  
梓其稿名黃葉菴集

漁舟圖

畫山如夏雲畫水如秋漲千里咫尺間疑真不疑妄莫  
大芥為舟釣月杯水上海欲得鯢魚身不顧風浪安知  
此漁翁不是太公望

寒山訪雪谷

寒山太湖東二月雪埋塢時有天耳師巢居類巢父春  
秋未半百氣骨自高古清泉凍連底蹲石怒獅虎此中  
除梅花無物入巖戶

南庵殷方叔高元雅郁伯承見過

野處雖已適久不聞高詠刻燭夜何短含毫曉未竟微  
雨原上來洗我竹林淨荷池漲莫知松檐溜可聽扁舟  
勿遽還出浦風波勁

登銅官山無畏庵作

銅官鞠為草孰識此嶺下松似天目移山如巨然畫猛  
虎戶外睡古月泉上挂遐想無畏師此中住持罷外人  
不曾聞前僧後僧話

題葉熙時空樹軒

嘗聞松化石未聞樹化竹君家草堂樹何乃虛其腹懷  
抱日益空枝葉不放綠其中有客焉外潤若不足僧還  
可入定旅寓何必屋居士空諸有不獨此老木

題破窗風雨圖

千山雲頭黑萬山雨脚白  
大風捲却屋上茆牀頭書卷  
盡打濕幽人縮項破窗裏  
屋上蘚花長數尺若得溪流  
直到牀釣竿插向枕頭石

送生明還雪竇

殘月在松僧在戶犬聲如豹隔松塢  
霜厚如雪野易風  
空邨家家門尚杜還山不問幾日程  
直造雲邊峰頂坐  
莫想錢塘江北庵瑠璃一點如螢火

送葉熙時還新安省親於黃山指月菴

今年季秋與孟冬余也踏遍黃山峰歸來相對數竿竹  
倦錫倚壁雪滿屋送君手捉天台藤打破子陵灘下水  
欲識君家讀書處只問丹臺指月僧

冬日晨起題庵壁

庵前萬葉風掃空欲死不死孤勁松省曾雷擊天忽裂  
鱗甲雲雨如獍龍北風蕭蕭草短枯雲色不動天糝糊  
地膚龜裂水骨立凍死塚穴長生狐僵卧驚起觸冷雪

麻衣線纈永欲折君不見雪山老子骨如鐵

送吳復季中祕還新安兼問商山諸隱君子

江山千里如披畫來往一帆如走馬嗟君同路不同行  
拏舟獨泊釣臺下釣臺上有子陵祠風吹松子落山瓦  
應有新詩弔子陵臨風感慨不能寫歸問商山四老者  
人日感舊

去年人日遊何處穆家池館寒梅樹今年人日勞夢思  
穆家池館非舊時兀兀頽簷遥倚徧主人何日還相見

村南村北柳樹邊  
烟條弄影青苔面  
竹圃衡門池水寒  
嗟君夙昔此盤桓  
而今細雨生春草  
縱有梅花若箇看

寄懷黃貞父

樓開鷺嶺北門對  
淞江濱有地皆高竹  
無人盡白雲澗  
芳秋後摘燈火佛前分  
只此西山裏思君未見君

送期公遊天台

記得天台路猶然  
似夢中履聲山答響  
錫影澗浮空藤  
老全無葉松寒只有風  
此惟多道者神契可能同



題梁生湖上聊齋

聊齋並湖寺，魚鳥亦高情。  
山似畫中看，花從鏡裏生。  
烟黃柳剩葉，霜紫菊餘英。  
想見泉新湧，君於此濯纓。

范涵輝舟中同叔遂照淵賦

舟穩客貪載，心閒水益空。  
翻從迷誤得，趣在烟波中。  
花亂觸飛鳥，草腥過釣翁。  
習知雲外路，猶惑浦西東。

題履實上人新居

頭陀塚間住，鬼食夜常分。  
密行許誰識，微言期自聞。  
樹

陰初上月水氣晚為雲別有示心處不資半偈文

簡沈純甫大司馬

不買胡田不買山百年身領白鷗閒霜時自笑婆娑鬢  
酒後人疑諫諍顏幽石儘教雲去住高松惟與鶴飛還  
若非二仲時來往恕醉軒當日日關

送谷響入匡廬石門磴

飄然汝去躡何峯六月匡廬雪尚封芒履不妨江路草  
淨瓶將挂石門松雲開嶺外逢僧影日落巖前見虎蹤

聞道遠公蓮再發齋時還聽一溪鐘

登黃山蓮花峯

五丁畏難未開鑿峯頂至今無路通三神若螺逸海外  
二目如粟墮井中烟雲卷縮似潮落猿鳥墜匿疑劫空  
惟有丹臺一明月當時曾照軒轅宮

尋梅

緊絆芒屨踏凍沙樵村魚塢竟忘賒忽聞香處溪猶隔  
尋着花時日又斜縱使月明惟冷淡莫愁霜苦不精華

無論異日親嘗子談說猶能酸齒牙

余至黃山時識蒼梧先生於帶溪今戊午先生  
六十乃叔存翁乞余詩為贈

謂余嘗聽雪猿啼心在天都身帶溪千許歲芝如野菜  
萬餘年鶴似家雞曾貽滿扇有聲畫盡是前人未品題  
君道叔癡余亦信乞余詩挂片帆西

新竹

剪去東西寒逕茅如簪如角透溪坳未離紫箨皆含節

直上青雲始放梢修勁挺然齊玉立欹斜早已付齊庖  
此君慎勿論新舊直節虛心並可交

採菱曲

採菱須採早菱老刺儂手刺手不足憂菱老如儂醜

長樂寺

山翠一堆中有寺溪流四繞外聞鐘僧寮尋得雲封着  
虎跡滿庭三兩松

徐春門畫

山頭雲濕皆含雨  
溪口泉香盡帶花  
此是天池穀雨候  
松陰十里賣茶家

德舜

德舜嘉興人

寄題萍香閣

為楊華山居士作

夢到萍香一載餘  
幽竒小閣隱人居  
春流寫媚鳬鷗狎  
暮雨凝寒水竹疎  
空濶四天疑是艇  
江湖滿地想為魚  
何時尋爾兼邀月  
南垞重圖亦不如

傳如禪師

傳如字戒山又作介山海鹽人幼出家昭慶通內  
外典叅空見性與虞德園馮具區諸公善萬厯間  
徒步入京請藏為謫議所中身陷法曹後得釋陳  
百史曰介山一切定力為教導主脫畧世法不拘  
隅曲後十餘年學者思之至有奉其教而泣下者  
予聞其苕溪說法時有巨蟒蜿蜒羣鵲聚聽與雲  
起何異非定力能如是乎

湖上秋興二首

晴峯秋翠映芙蓉  
茆屋思歸路幾重  
高樹猶然來倦鳥  
寒花不復惹遊蜂  
田衣已破裁雲補  
山粟旋收帶月舂  
霜冷曉鐘聲漸遠  
數敲驚起碧潭龍

枯木衡門舊雨疎  
蛛絲蝸篆滿庭除  
時分呪食閒供鳥  
盡謝瑤函不寄魚  
乘月放歌非庾亮  
經年病渴豈相如  
明河瑩澈清於晝  
坐挹清光夜讀書

荅沈純甫司馬



不暇參禪不暇文支頤兀兀坐南薰年來病骨千金重  
出岫無心愧白雲

妙用

妙用嘉興人

題興善寺

坦舊倫耆法已沈梁碑宋碣跡何尋綠蘿龕掩從僧定  
白屋門開任草深簾捲野風傳牧笛磬敲空翠抹疎林  
獨憐慧火無新焰禿首頻搔嘆古今

幻華和尚斯學

斯學字悅支號庾山海鹽慈會寺僧好行脚南陟  
台雁北至岱嶽與嘉則少君緯真百穀諸公遊築  
庵於靈祐有幻華集姚叔祥稱其肆力三唐句高  
前哲嘉則贈詩曰古寺雲林深復深秦山秦水足  
高吟行人問是何僧住彷彿當年支道林

山行

磴道殊登頓盤盤百嶠連空林人打栗深樹鳥驚蟬移

盼失佳境息陰間暗泉客衣渾欲濕嵐翠滴秋烟

雨夜

客子久投宿主人還賃春薄衣寒入夢深雨遠沈鐘壁  
上燈窺鼠牀頭盞隱龍因思故山好雲濕幾株松

睦州城上

城上殘陽盡西陵晚色濃嶂嵐低粉雉山郡壓烏龍樵  
子雲為擔田家水作春萬峯秋雨過飛瀑挂芙蓉

寄少君吳山人

知君好芳草荷芰半衣裳一別春山綠幾經秋葉黃海  
門生片月江寺送殘陽曾有天台夢相攜度石梁

漏澤寺

一逕草蕭蕭三門歲月遙白雲非舊主黃葉自前朝有  
法空高座無燈掩破寮竭來生感慨暮雨作花飄

附考寺  
在嘉興

招提庵

剎起駕湖曲菴將鹿苑同客來黃葉雨鬼嘯白楊風溪

晚魚龍寂山禪水月空沃洲烟景似卓錫許支公

雍熙寺

幸踞平江勝碑傳天監年空山惟落葉法水尚生蓮  
埽榻分寒雨然燈破暝烟遠師幽意洽重續夜深禪

題吳氏瀟湘館

幽徑相雲入蘂花竹幾竿林清移席動溪碧捲簾看不  
斷三秋色長疑六月寒籜龍應自起雷雨響琅玕

五臺山折斗峰

樓臺蕭颯雪攢坑  
襖被來登六月寒  
古殿西風吹鐵瓦  
長空北斗挂闌干  
太原山遶中條近  
小有天通上界寬  
欲向陰厓振鳴策  
恐驚林下黑龍蟠

邊城晚眺

獨上層臺望欲迷  
滿城砧杵更悲悽  
河流曲抱內黃北  
山勢遙連太白西  
落葉亂扶秋雨下  
斷鴻斜引夕陽低  
自來幽朔寒偏早  
繞樹啼烏未肯棲

贈毛豹孫

少年曾見賦青霞老去猶能採石華  
脫穎自歸盟血地遊踪多溷賣漿家  
牀頭歲事消殘帙逕裏秋懷自落花  
一片毛公壇上月太湖霜白滿蒹葭

送陳志玄遊天台

路入南天千萬峯雲邊片片落芙蓉  
霞標赤映深城路瀑布青懸絕壁松  
靈藥更尋丹士宅石梁還聽飯僧鍾  
桃花莫問劉郎事江上長風跨白龍

送俞孝廉天目讀書

擔簦遙度白雲層  
絕世高峯只見僧  
夜夜龍厓風雨過  
山靈常護讀書燈

同錢懋登王永之南還道中用趙廣平韻

去時歸日是何年  
染得秋霜白滿顛  
為問鉢囊何所有  
臨行多是故人牋

贈王蜚之

酒盡狂歌盼國門  
風塵遊子舊王孫  
如虹意氣如霜劍  
不肯尋常說報恩



呈周明府

半肩錫杖半函經  
身世何人入訟庭  
為謝官人入山去  
紫雲長護石門青

德彥

德彥字微可  
郡之東塔寺僧  
律山門人  
晚居雙徑  
送僧自楚遊燕

撮土人間世  
何云道路長  
瓢空燕市月  
衲敝楚天霜  
乞食花邨暖  
行吟草色香  
臨風雙眼碧  
幾度立高岡

聖行

聖行號智河桐鄉菩提菴僧初不知文苦參十餘  
年通詞翰有山宗緒言塵餘集

月下

月下憑虛眺芳叢遠梵宮亂山疑霧重定水覺潭空澹  
影松關引浮光石竇通已無塵垢累冷露滴梧桐

正治

正治字慎初桐鄉人秀水精嚴寺僧有客塵稿

題畫

雨笠烟蓑問酒家  
漁竿生計却無涯  
倘然醉入桃源去  
惹得秦人怨落花

竹寮和尚方擇

方擇字覺之號振林烏程人幼入桐鄉密印寺薙  
染博通禪講淹貫百家為焦漪園李臨川曾能始  
諸老所重倡和者吳允兆茅孝若顧嘿孫唐祈遠  
也學者稱竹寮和尚其詩清真和雅無一點塵俗

程尚甫梓以行世

立秋日同溫新之集顧默孫雪堂

物候已徂夏園池涼氣新  
遠雲低入戶片雨澹宜人  
有語搜名理無營似隱淪  
一龕虛在室期我坐宵晨

仲夏田家

屋邊新剪百株桑一抹村烟遠可望  
斜徑短橋交竹翠乍晴又雨到梅黃  
秧針簇簇當蓮戶蛙鼓喧喧隔土牆  
相囑隣翁先刈麥前溪水漫也無妨

虎跑寺次蘇長公韵

草齊澗口動幽香寺入深林晝自涼  
隔嶺雲昏疑雨近懸崖藤老較松長  
偶然樵唱傳中谷時有鐘聲出上方  
况是昔人泉品勝分余半鉢喜初嘗

天耳和尚海湛

海湛號雪谷蘇州寒山僧擅書畫見知於王百谷  
繼與趙凡夫陳眉公善有耳疾對客會意點頭微  
笑而已如晏坐清談則能了了萬天間來寓嘉興

王江涇李氏墓所十餘年終於靜峯庵有寒巖集  
谷中餘草雪龕草蔣之翹作天耳和尚歌贈之

登趙定叔寒雲閣

香溪衣帶水白苧小邨東閣掩寥雲外門開亂葉中  
茶烟浮石鼎松雨灑詩筒盡日看圖畫能令意自空

匡山僧智明

智明字若昧匡山僧南通州人早事參遊將入雲  
栖寓嘉興王江涇壽生院五年晚居黃巖有空響

集蔣之翹稱其詩有風塵雙眼盡水石片心孤萬  
山當夕照一室掩空江日正鳥聲寂風遲花意閒  
古松一壁石為屋飛棧半空人在天江上青山三  
島雪門前綠樹五湖烟亦可稱警句

宿圓通寺

石耳峯頭寺遊筇薄晚過鳥棲寒樹遍山入亂雲多孤  
興憑誰發清宵起自歌來朝更何處前路杳烟蘿

棲真道士余月汀

月汀字湛虛號秋沙萬厯間海鹽棲真觀道士觀  
廢月汀倒橐興葺其自述有人愚自墮移山計天  
漏誰傳補石方之句有水月軒稿

舟中

遠水浮高漢扁舟載夕暉人家隨岸斷沙鳥背帆飛俗  
況消村酒新寒戀布衣片雲何處起先我向南歸

蚤秋

山院梧桐陰未稀西風連日撼柴扉水香湖上蓮房嫩



雨足籬根豆莢肥  
愛月未能捐  
故扇聽砧因想到  
寒衣  
蓴鱸味似當時否  
張翰扁舟不見歸

暮春出城飲田家

朝曦流彩射疎櫺  
睡起披襟步出城  
山鳥亂啼如有意  
野花無數不知名  
信潮催上風初急  
細雨欲來詩未成  
一笑且投邨舍飲  
坐聽田父話春耕

書竹溪僧扇

碧玉千竿水一溪  
風光絕勝灤東西  
山僧定起不知午

滿地綠陰沙鳥啼

白雲散人廣印

廣印字聞谷嘉善練塘人出家杭州開元寺歲修  
徑山結茅白雲峯頂不出山者十載後主錡密真  
寂觀以老器宇沖和神觀閒止窮老叅究終不以  
悟自居堅辭僧衆不許開堂數年退院七載南遊  
腰包杖錫飄然於荒山野水之間孤行獨往搢拄  
大法於衰殘亢塞之餘紫柏雲栖海印入滅真修

退藏密傳三老之一燈者一人而已

登天台高明寺

晴日度幽溪松蘿青靄迷路隨峯上下雲逐樹高低猊座支郎到雞園學士題此中堪隱處應在響巖西

石林庵

覺道金繩絕巘開半空花雨濕樓臺長林怪石皆龍象  
曾受生公記荊來

祖印

祖印平湖人東林院僧後住焦山

焦山寄天遊

小隱非無意清修迴莫羣園蔬常自摘餅栗與人分倚  
竹春江雨攤書暮嶺雲每逢遙夜月孤寂更思君

以貞

以貞字純白海鹽資聖寺僧

夜泊

野泊趁鷗邊天空暮雨懸山雲寒擁樹江火夜明船物

色生新態鄉思到昔年跣趺難就寢夾岸有鳴泉

過友人故居

石徑荒涼鳥雀悲閒雲幾片隔牆窺茅堂日暮無人見  
零落秋蟲挂網絲

本中

本中字淨覺海鹽天寧寺僧雪江裔孫有天香草  
送吳陽若水禮頭陀

此去江東望浙西桃花一樣草萋萋莫言風景家山異

到處春光有鳥啼

法印

法印字楚章海鹽天寧寺僧有五畝山稿

阻雨城中

未即出城去多因風雨侵且分題作計以苦句為吟濕  
豔花垂地寒聲竹在林稍稍淹此聚一悅主人心

水芝開士正勉

正勉字道可嘉興人祝髮於長水廣福寺後結茅

郡之白苧村水芝菴讀書談道儒典梵筴靡不淹  
貫獨苦心於詩理出句簡冷不襲浮綺卒於天啓  
辛酉有蕉上編香牙團草古今禪藻集譚埽庵取  
黃葉水芝兩稿梓之題曰長水兩僧詩

過子胥廟

古廟蟬聲裏秋風肅將旗野花窺木主山鳥啄苔碑恨  
未收江賦忠曾入楚詞存吳應有策欲問恐還疑

悅支師北歸見枉

紅樹河橋別青蘿水寺期去來惟杖錫得失只稱詩細  
雨依松色孤烟結柳絲東林嘆無主三過落花時

乙巳春日避地山中有詢予所自者因賦二首

芳草牽行脚春山引息遊林風清擊磬壑雨失藏舟地  
不為秦避人將抱杞憂潤花君莫賤飄泊自枝頭

故林無日返烟莽任奔馳三十身猶困千秋事可知梓  
材徒自負桂性屬人移躡屐多窮路深慙伐木詩

大泓



大泓字野白嘉興小杖林僧有挈瓶草

題

一笠烟霞老三衣歲月深經行慵剪爪趺坐靜忘心木  
落山容瘦雲歸鳥道沈人來乞無畏舌上海潮音

除夕懷兄弟

爆竹聞村落還鄉信轉遙愁難同歲盡魂不待春招燒  
燭依孤影支身剩一瓢風塵走兄弟天末淚今宵

中洲上人道數

道敷字覺明嘉興興善寺僧遊黃葉庵之門詩律  
婉勁有骨宋獻儒云敷公詩剡濯性情含吐韋孟  
後得心疾蓄髮逾年而卒有中洲草

結夏

誤教人不識日日此茅亭雲石枕長髮繩牀支瘦形瓶  
花乾自落堦草放還青愧未離文字尋常默誦經

費元朗濮仲閻楊若木見過離別有懷

此住無人識叩扉誰獨來都應看樹入半作訪僧猜炊

飯但收葉留雲不掃苔關心江上路去後值風雷

題元朗水亭

微徑樹邊入亭偏池水涯即能通竹屋簾亦占鷗沙晚  
色湖生月秋香苻作花柴扉夜分火只與釣魚槎

贈用上人

心自貪孤寂形骸殊可憐微言疑入道偶坐亦枯禪經  
月不出戶有時還放船晚參曾共汝猶是記當年

道耕

道耕宇牧隱萬天間秀水真如寺僧定湖之孫有  
遊燕葉

秋日

千載竟何事支離卧薜蘿壯心憐病久新句感時多夜  
火螢然草秋香風在荷有身原自幻隨意學維摩

題潘朗叔園中皋蘆墅

移來珍重品無端割破烟霞數畝寬煮雪擬忘新雀舌  
揚旗妬殺小龍團雨前摘翠三春秀松下生香兩腋寒

客到漫言逢水厄每當七椀放歌殘

照梵

照梵字全初烏程人桐鄉密印寺僧

夜坐

茅屋坐來山寂寂江城風冷漏遲遲老僧不是悲長夜  
此意惟應秋月知

如恒

如恒字見源號雪竹嘉興初地庵僧有小刻

種竹

無事郊居治藥欄竹移清露葉聲寒忽節涼月窗  
前破却放烟梢雨後看稅地慳分剛十笏教雲深  
護在千竿為憐欲托瀟湘景莫使刊題粉黛殘

大居

大居字同六秋潭之弟以兄為師住普善庵喜模  
晉唐書法亦工詩

月

無心孤月似相知一度開窗一度思常是梅花枝上白  
黃昏直到五更時

智證

智證字生明四明人出家雪竇後同谷響覺明蓮  
生同依秋潭住普善五年寂於三塔之東堂有寓  
黃葉庵草

落葉

憐非耐寒質難禁醉霜姿始信叢生日不無秋後時辭

條翻月墮飄徑掠雲吹寧用嗟  
搖落榮枯倘自知

白苧村訪編通禪師

桑野濕烟斂秦溪曉霽開  
我迷行處草君埽坐邊苔  
簷翠放新竹庭香隨熟梅  
自期留一宿不慮雨鳩催

性廉

性廉字無染嘉興大雲菴僧

過沈澄溪新居

小睡呼不起白雲常在家  
籬邊十笏地夢裏也栽花



沙明

沙明字照淵海鹽人善畫住秀水三塔寺

范涵輝過訪

怪君多野興雨歇出尋僧入夢隨時是採梅隔歲曾夜  
寒春故淺溪澗水新增何限懷歸去西齋月掛藤

如觀講師

如觀字蘊虛海鹽雲岫庵講僧有夢花幻住二集

春日雨宿友人庵中曉霽作

出浦漁歌到曉牕將飛小燕語雙雙濕雲未動歸山思  
幾片低垂護法幢

通章

通章字闇然號慧越桐鄉密印寺竹寮之門人

秋日溪上

楓葉蘆花水上村烟藏野寺日初昏溪邊晚步多愁思  
獨叩漁家竹裏門

寂觀

寂觀字內惺嘉興大雲庵僧精古籀工詩有跋鼎  
齋稿雲丁集

不寐

竟夕翻書卷依然理不分鳥曾深夜語鐘到五更聞  
竹無全月橫窗只斷雲素懷猶未析曙色亂溪濱

碧印上人大述

大述字碧印海鹽資聖寺僧玉芝孫有如是齋集  
小萍菴曰述公尅意創新吐華如質如遊孤村絕

頂曠不逢人四顧徘徊頗多幽趣

過天池廢寺


迴絕秋山上翻因廢寺登松濤猶作梵螢火似傳燈日  
冷埋塵佛雲孤守殿僧放生聞自昔池水漫空澄

贈林叟

名不聞於世一生事在幽養花多小本抱甕得新流藤  
剪寬松腹籬編護竹頭孰知翁樂志皓首此林丘

題水竹居

竹室過牆深更深水邊籬落護清音生成世外無雙地  
隔絕人間祇一林活逕晚雲隨鶴宿死庭秋草抱蟲吟  
已知着意探新句響激能摧百物心



馮李詩繫卷三十二

欽定四庫全書

集部

攜李詩繫卷三十三

詳校官侍講<sub>臣</sub>王燕緒

主事銜<sub>臣</sub>徐以坤覆勘

總校官進士<sub>臣</sub>朱鈴

校對官學正<sub>臣</sub>翁樹棠

謄錄監生<sub>臣</sub>閻允中

欽定四庫全書

稿李詩繫卷三十三

平湖沈季友編

明

筠隱禪師大遂

大遂字梵印號筠隱萬天間平湖乍浦會濟庵僧  
覺承講主之法子有出林草小萍菴曰遂公潛踪  
林樾景企前修或時托寄長吟不覺詞意俱遠可

與齊已並駕也

贈朱白民

山靜猶空劫，惟將木石親。  
肯居於此處，豈是等閒人。  
寫竹賣供米，刪松破作薪。  
只因尋異藥，衣染別峰塵。

西山道中

懸壁杖難容，盤旋青萬重。  
到來深竹院，行盡數聲鐘。  
瀑掛雪邊雪，雲圍峰外峰。  
此中皆靜者，日暮不相逢。

林栖



當簷林靜立老屋破從遮作梵鄰聽熟翻經風攪差地  
生無種藥餅活不根花偶與雲同出歸吟任月斜

猿聲

懊恨應無爾臆侵胡為清夜發哀吟三聲豈是羊公碣  
一淚惟沾楚客襟秋漢月明悲更切朔風天冷怨尤深  
誰能聽此腸非斷只合閒僧不住心

鹽官道中

風緊孤帆只半懸近村纔動午時烟倒波獨樹枝猶活

傍道交蘆葉不全聚石牧童堆野竈過橋漁婦上溪船  
日長未是殘陽候人說鹽城已在前

柳

沐雨梳烟千萬枝春風挽住定何時青窺鏡裏愁人眼  
翠染機中織女絲柔舞難容鶯坐穩輕搖易惹燕飛遲  
可憐歲歲章臺路腸斷忘歸遊俠兒

秋扇

莫以涼風多棄捐敝篋裏試記無風時是誰引風起

冬日淮上懷了能

凍斷黃河與月河行人馬上帶冰過  
惟君生得梅花骨  
獨占江南暖日多

無礙老人大持

大持初名持衡字圓印號薈蘊吳江人雲栖薙染  
受具初住桐鄉華嚴庵次依竹寮住密印寺後居  
郡之無礙庵為詩文雋宕超遠如幽巖邃徑賞音  
者爭愛之有佛華院錄負鉢草問荅語無礙庵蒙

初居無礙庵

錫倦依苔壁松高掛鉢囊  
始知心地穩翻見水雲忙  
夜黑鬼生火天寒雁叫霜  
深林人影少日月似鴻荒

贈王粹甫

入竹避生客家人無處尋  
燒琴成獨響拜石作同心  
花底白衣酒雪中黃面吟  
有時修小節醉不到東林

過沈明德

慮君倘早出却覓尚眠時  
客可科頭款兒能彈舌持  
婦

水去鳥跡敲雪起花枝竹裏一幽徑寧容俗客知

普善庵謁舩師

老年一不好松竹對閒身或以無師智相酬有學人雪  
明難曉夜梅凍易寒春已簡形骸禮中誰是主賓

溪上同孫孟樸

溪上幾叢綠多從新雨生足於清水濯路在落花行奇  
石即思拜好山不辨名柳條莫盡折借與倦啼鶯

出郭

出郭未半里滿船青載山岸危不長樹沙亂欲無灣直  
路雲梢去斜陽樵背還已知箬下水清可鑒吾顏

村居三首

荒院無金磬誦經石可敲苦蘆何異藥破屋不如巢一  
受田家供因多桑者交洗蔬莫剩葉流出恐人嘲

僧來逢雨漲欲以笠為舟行脚非騎馬安心須牧牛破  
村無大樹剩水有清流衣絮不憂薄蘆花雪滿洲

未及開新徑行由草莽間尚多無事事但得不閒閒竹

欲潔頻濯樹須高屢刪田灘風雨後亦有小潺湲

過朱文寧太史莊居

素心相與老只有此田鄰種竹惟知冷移花不在春口  
恒存死友門怕報生人丘壑如堅臥國風誰一陳

過黃葉菴

未知有水可通船先問桑田細路偏門帶夕陽敲樹底  
人隨宿鳥到籬邊癭瓢再食便終日禪榻初安已老年  
地不近山無怪石夜來留得斷雲眠

秦駐山

山靈曾受始皇鞭松至而今不仆顛天為濤吞無北限  
地因沙湧有東邊下灘黑剝先秦石對岸青高舊越烟  
非此雲牙撐海角稻畦或恐作鹽田

廢褒能寺

枯松亂竹一丘陵曾此開堂演上乘瞰祭鴉如放生鳥  
掃墳人似遠歸僧剝竿倒處見翁仲鬼火移時替佛燈  
片碣欲書閒姓氏不知勅賜有褒能



廣育

廣育字扈芷四川人住嘉善大勝寺有東塔詩

次荅茅止生元戎見贈韵

十年重屈指只此冷然心看劍雌雄合論文今古深鳥  
歸黃葉影蟲吐碧絲吟不少知音者還揮霹靂琴

卞玉陽談故山有懷

不聽猿聲已十年偶隨孤鷺下斜川山中別後無他憶  
只恐長松礙月圓

病癡道人廣衍

廣衍字雪音秀水普菴僧聰慧爽拔詩格清瘦早  
櫻癘症而天徐明樗梓其病癡稿黃葉老人為立  
傳

遲五雪

幾回驚出犬空吠雲影常疑船進橋日暮還來溪上立  
乳鴉如葉綴寒條

如山

如山字鷺峯秀水天寧寺僧陳眉公曰山公匠心  
刻意語多警拔真秋潭的骨弟子也有碧蓮院稿

落日

落日即朝旭升沉似不同明霞流雜綺芳樹隱微紅近  
壑欲垂水在山疑觸峯眼前道不出更聽一聲鐘

題黃葉菴

黃葉菴居老所宜梅花清瘦最相知地餘半畝多栽竹  
屋只三間僅著詩乳燕坐簷驚夏早亞藤上樹覺春遲

聊將垂意新蓮社月到門前擬鑿池

大定

大定字一印海鹽福業寺僧有浪錫草

新涼

一雨洗庭竹微涼覺頓生  
亂螢移濕照小鳥在巢鳴  
葉有先秋意詩多人夜成  
自堪高臥足日已報窓晴

大生

大生字等印海鹽資聖寺僧見十印社草

初夏訪趙凡夫

巖扉皆掩綠客至不知迎習靜小成坐緒經微有聲竹  
陰如水淨山氣學人清莫謂吾多事因難負爾名

大受

大受字朗印海鹽天寧寺僧見十印社草小萍菴  
曰受公矯庸激腐探景副情洗削鉛華別生孤調  
然亦不自知其出入弘秀集中也

息柯亭

亭緣幽士築額借息柯稱路鑿山根上窓開樹杪凭甕  
泉專飲鶴下榻半留僧役役風塵者何年得此能

照源

照源字道生號永如海鹽人住秀水古井庵小萍  
庵曰源公乍耽律韻遂富篇章茹藻含毫時發清  
響有雪林草

輓大年法師

影堂燈永夜想像似安禪授法兩三子深心二十年矮

松方掛月新塔已生烟氣結更何語徒為歎逝川

題指月庵

短扉將綠掩小徑倚村斜老樹借落葉新桐布屋花漁  
歌傳外港鷗夢立前沙靜者離言象門題指月家

落花

飄零思雨露撩亂點蒼苔苦被風常掃因傷春鬪開嬌  
鶯歌綠轉癡蜨想紅來事盡如花事榮時瘁亦催

法衡

法衡號秋巖海鹽天寧寺僧有竹西齋稿

咏雁

嘹唳天邊羽離人靜夜聞雨寒孤夢短風急數行分北  
去歸龍塞南飛度嶽雲人間多矰繳高舉莫離羣

過趙凡夫山居

選勝探奇境相將采石英前峰如地湧隔座得天平松  
響疑風雨雲深失晦明還嫌葛衫薄五月太涼生

照楞



照楞字鏡玄秀水寧慶庵僧遊黃葉之門有松月  
軒稿

水底竹影

迴溪日澄湛竹影倒寒清如簀竹間立何因水底生鳳  
來栖不得魚過觸還驚每日微風起湘君夢裏聲

弘已

弘已字孤雪秀水普善菴僧肱公每誦其除夕詩  
云百年猶一年定有今夕時輒愀然改容

秋雨

灑竹驟鳴秋易知  
兼風沉打敗荷池  
茅檐一夜溜聲裏  
想起石梁聽瀑時

景定

景定字寂生  
秀水報恩寺僧  
有香露菴草

子規

叫道不如歸  
不知家何處  
春歸花亂飛  
何事不歸去

海旭

海旭字竹浪平湖東林寺僧有蕪林草小萍菴曰  
旭公清真孤上簡默沖夷怡神淡漠之鄉創句物  
情之表遇其得意不知司空表聖于武陵諸公何  
處着脚也

宿甘露菴

舟出太湖險語溪投暮鐘聽風多在竹看月不離松析  
護城三里雞鳴邨一重長安明日路宿草滑歸筇

遊趙氏居

小港難通權行知經幾灘敗荷還立雪寒水不生瀾掃  
石容苔瘦栽松待鶴安梅花如有月借我一宵看

雪溪上人圓映

圓映字元徹號雪溪嘉善西林菴僧銳志教理作  
詩清新崇禎間居平湖乍浦與李潛夫唱和有西  
林焚餘草小萍菴曰映公雲移梗轉鴻跡風踪凝  
神茂樹底覓句清流邊設遇靈一處默猶當雁行  
並邁也

初冬同社過陳山寺

出郭見山瘦，翻思春獨來。  
雲間過水淨，楓老學花開。  
人影夕陽裏，松陰古殿隈。  
龍泉堪煮茗，分坐石為臺。

秋草

護蟲吟月苦，襯馬滑蹄行。  
螢火燒難死，霜花落也生。  
誰傷當路踐，自怨不春萌。  
獨有秋江上，離離動客情。

輓玄珠上人

殘燈耿耿夜何其，虛室空悲禪坐時。  
廿載形骸孤鶴弔，

一生心事故人知  
雨添郭外沉龕草  
風涵窓前洗硯池  
白社曾同秋後集  
而今惆悵泣題詩

智旋

智旋字瑩密號松濤嘉興圓通庵僧有寄林草

夏日過雨庵

未識西行路誰知對夕陽  
得蒼松翳暑坐石竹分涼  
庭有佛花發池無魚草長  
蟬聲齊鬧柳惱亂我詩腸  
成受

成受字戒滿嘉善人嘉興螺潭院僧

秋夜

坐到燈殘月又明  
寒蛩泣露若為情  
已知去日如流水  
莫恨秋風白髮生

一漚

一漚字冬江秀水精嚴寺僧  
萍菴法子黃葉翁云  
漚為人魯鈍有確志作詩峭秀  
雪嶺孤松寒泉瘦石年二十而  
夭有鏡月稿

送環中遊廬山

匡廬奇絕處歷勝證前人以杖開雲路將衣抖世塵瀑  
飛明鏡膽峯戴礙吾身問取於中住誰知面目真

德蘊

德蘊字五雪嘉興興善寺僧從萍庵遊間為詩律  
新藻有致

送友入匡廬

一條竹錫健於龍踏破匡廬雪萬重別後我如天上月



照君禪坐在深松

濟深

濟深字慈筏秀水金明寺僧早夭黃葉翁稱其慧  
性好學

即事

清晨放棹城東南歸宿城中百尺潭夜半老龍作人語  
驚破夢魂春雨酣

清梵

清梵字竺音秀水東禪寺僧有半秋稿

歲暮期友不至

欲悉經冬計歸懷誰與裁  
早期雲外錫共掃徑邊苔  
夜永鼠方出鐘殘月又來  
寒梅似相慰橫過一枝開

寂瀾沙彌

寂瀾字法孺秀水天寧寺沙彌  
呂文懿公之裔作詩秀雅  
善行草丹青

燕

紫燕來春社  
銜泥補舊巢  
不嫌茅屋冷  
肯與作貧交

病馬

今日方知行路難  
垂頭顧影怕金鞍  
儘教伯樂能調養  
恐有當時指鹿官

斯承

斯承字景山海鹽慈會寺僧

贈崔潛叔

仙踪暫隱白雲層  
大膽雄心似五陵  
幾度東林風雨過

山靈常護讀書燈

普福

普福字可中桐鄉密印寺僧烏程人

窮僧

破衲不掩肘破瓢不住寺帶月望塚歸和霜藉草睡

正賢

正賢字三石海鹽天寧寺僧

海上晚歸

潮落平沙望眼空  
夕陽迴照海城紅  
鑑明秋水芙蓉老  
歸棹乘風入畫中

明來

明來字亘南秀水通濟菴僧

樵夫

惟隨麋鹿羣  
運斧斫秋雲  
和擔束雲去  
歌聲隔嶺聞

志淳

志淳字恒岳嘉興東塔寺僧  
徽可之孫小萍菴云

英機敏發詩多警語有雜華林草

春日過月公蘭若

孤邨相叩嗜禪翁一逕春風到寺中人語悄聞楊柳綠  
鳥啼幽出杏花紅經殘瘦坐焚香起茗熟傳題得句工  
足跡不留簾外土小庭深寂雨空濛

照旋

照旋疑即智旋見禪林詩輯小萍菴曰旋公沮貧  
履巖時發懣語深情酸楚豈堪再讀

掃苔

久雨滋苔力青錢塞徑荒掃之空夜露留也待秋霜鶴  
跡冷無襯龜行滑不妨斂歸林下去護菊久含香

智道

智道字生一號環中嘉定僧挂錫秀水三塔禪栖  
崇德西林小萍菴曰豎義談經世服其辨發漆吐  
詞屏祛凡近有紫芝社集

池上

嘯動清池藕葉風孤懷欲絕句初工偶然月照無言處  
疎磬一聲松閣空

心寂

心寂字含虛嘉興興善寺僧

春郊

景物逢初霽郊原擬畫中柳開新眼碧花綻舊心紅嬌  
鳥鳴幽樹游絲撩遠空春光知幾許吾欲問東風

小萍庵文貞



文貞字蓮生晚號夢堂桐鄉人秀水精嚴寺冬溪  
之裔孫從秋潭老人遊得其詩法善為景句亦工  
書著有萍菴草藻影雜藁嘗取吾郡詩僧裒其遺  
藁勒為成書曰槁李禪林詩輯附以已作大持序  
之以為禪源學海各詣精深一時同社楊若木陸  
叔度沈明德丘叔遂輩為之點定行世

送汪黃海還新安

新安西望空行李帶秋鴻馬足高低路人衣草木風毋

慈開口笑弟舞說心雄此最非常樂勞勞莫便東

與楊若木駱天游夜話

久別忘如憶相逢意更深言多交後夜情苦見中心病  
葉風條響哀蛩露穴吟不須悲未遇自古少知音

答蒯周生

秋來情況淡無滋一枉緘題慰所思不改長貧存舊友  
却經久病識新醫形疎現影何殊鶴髮短蒙頭乃類絲  
楓葉湖邊霜待月相期莫漫又愆期

秋潭師黃葉庵落成二首

一瓢一笠挂西林，不負生平有此心。  
易補高低籬作障，難分新舊竹為陰。  
瓶添水滿澆松大，杖撥雲開引步深。  
愧死吾儕諸弟子，相依難學樹栖禽。

不貪幽寂不辭喧，野外茅堂可省煩。  
求法人穿荒塚路，放生魚過小橋村。  
雲將白繞閒排牖，草引青長靜掩門。  
深更深山只如此，花開花落更何言。

林壁

林壁字竹憨吳江羅漢寺僧久住嘉興王江涇歷  
寓具足清遠興福諸精舍能詩善書畫山水竹石  
俱得梅道人筆意而寫竹尤工性嗜酒乞其筆墨  
者必攜一樽餌之

竹裏

一衲濕空翠蕭蕭竹幾枝  
茶聲和葉細琴響瀉泉遲  
拂石人初靜窺林鳥不知  
徘徊有同調刻綠半成詩

秋夜與友人別

莫謂相知晚應憐野性投哭非傷遠別酒不破窮愁坐  
冷山窓燭吟殘庭樹秋明朝同此夕惟見月悠悠

大澍

大澍字時乃號懶先南直應天人嘉善大勝寺僧  
扈芭弟子性好遊擅丹青有瘦烟草

同趙靈均晚步

小雨送幽步水紋生斷霞蝶衣粘濕草禽語墮繁花新  
月背人去微風引竹斜回看形共影攜手白雲涯

經天池廢寺

松磴逶迤翠幾層  
昨宵風雨夢來曾  
到門疎竹留羣鳥  
倚樹愁雲老一僧  
蓮葉峯頭虛石子  
鉢盂泉底冷龕燈  
夕陽秋草多荒蹟  
忍見殘碑抱古藤

海指

海指字影林秀水古雪庵僧有松窓漫草

同常子貞駱天游夜話

深秋落日後  
磕膝話蕭條  
病未離三月  
情難竟此宵  
寒

蛩悲斷石小雨活枯蕉但得清如許應無負我招

無客

一逕從雲合柴門久索居須傳招隱賦空擬絕交書鳥  
弄春聲滑花撩畫影虛家貧兄弟遠何況故人疎

如谷東禪師

如谷字日海初號慧空嘉善人為人端謹初依栖  
霞後遊荆山月庭講席名震叢林歸閉閣於景蓮  
精舍三年詣臺山不數月安坐而逝

光德庵春日即事

雨霽炊烟亂禽聲和牧謠  
爐香閒白日雲影臥丹寮  
日暖花陰靜塵空午夢消  
依然人境外杯茗足清饒

懷朗

懷朗字天衣海鹽資聖寺僧有鈴語軒詩草姚叔祥吳石袍為序

石城夜泊

帝城遙接嶺瘦影臥輕橈  
陰厚雲凝樹寒生月上潮  
隊



魚沉永夜隻鶴唳空宵逆旅憑興感江花夢六朝

靈隱寺訪遽然師不值

問法投山寺入門唯見松徑留青蘚合闕任白雲封近  
侍懸秋榻鄰僧報午鐘翻思來不偶良晤竟難逢

題畫

閒過冷院尋僧小坐山腰茆屋細聽風雨何來定是淋  
蕉灑竹

斷拂子明方

明方字石雨俗姓陳氏世居平湖泖上又云嘉善  
人少負不羈後悔悟為僧叅雲門付斷拂子一枝  
自號斷拂子嗣為洞宗三十三代繼謁黃蘗有禪  
師歸主顯聖又主寶壽龍門東塔後居佛日寺有  
雪蕉集

松篁橋

橋上山重重橋下水淙淙已無車馬至未許烟雲封春  
老斜風竹秋深細雨松不因閒送客誰續虎頭宗

寶雲禪師道援

道援字汝航福建陳氏子年十五喪母遂棄家野  
服叩法博山大師已至天台高明寺閱台宗三大  
部博通教典卓錫於杭之橫山崇禎庚辰馬訥菴  
陸遜齋延至平湖乙酉返橫山後復以馮兼山之  
招偕其法嗣夢破憇息耘廬寶雲林二十餘年竟  
示寂於此有詩文語錄行世

雨宿蓮華峯無門庵

仄徑入雲峯庵居翠幾重霧深疑隱豹木老聽吟龍澗  
雪分春篋山糧任宿春坐餘清夜杳林外數聲鐘

蜨庵上人弘覺

弘覺字夢破仁和人俗姓江名浩字道闇少負才  
名豪宕自喜與孫元襄胡彥遠輩為忘形交皆當  
時名士嘗獨遊郡西樂其幽勝遂挾琴書挈妻子  
居橫山之麓題曰蜨菴每當風月閒夜薄酒命醉  
登望江山徬徨起詠不輟晚年遂棄蜨菴從援公

難染為僧隨至平湖後復從雲門禮公受具名濟  
斐號日用往來江淮戊子冬坐脫於佛日寺同社  
諸子建塔靈隱五寺橋之西哀其遺稿曰蜨菴集

道信弟過澗西出扇索詩時五嶽上人亦來同遊  
冷泉有佳味慚予只獨嘗君輩忽飛來與我同徜徉天  
若為爾媚花若為爾香奔泉與怪石為爾贈蹶張人生  
逐塵網何處不堪傷樂此登臨趣勝彼南面王吾弟士  
之狷嶽公僧之狂我乃癡絕人狂狷兩無當悠悠斯世

孰為侶惟有靈山片石堪與語吾弟今年四十矣前此三十有九年不知幾年對山水往事那堪憶來緣猶可止願以三十年為期同吾淡蕩烟雲裏七十以後活猶死或山或市姑聽子君不見嶽公年未及壯室閒放已過三十日

贈馮兼山

自放春閒三十春不將花慢換車茵林廬妙得顛迂筆風調疑兼晉宋人白足時來揮麈尾青松手種作龍鱗

高名久在堪招隱再拜藏書弗敢塵

友人宿山閣

新笋成竿入饌希荒畦纔剩幾莖葵  
山家何事堪留客  
江閣高眠聽子規

喜劉嘉符下第

得失於今易地觀吾將斗酒賀劉安  
碧翁能解幽人意  
放爾歸來理釣竿

題秋雪庵

幾年河渚漾清秋最愛宗公白雪洲今着袈裟何所事  
仍來洲畔作閒鷗

國朝

天童和尚德容

德容號費隱閩人少孤出家得法於密老和尚開  
堂黃蘗歷遷蓮峯法通崇禎戊寅主席海鹽金粟  
復退居黃鶴峯顏曰直指

國朝順治初木陳石奇二和尚請繼席天童時擁衆千餘叅



叩激揚宗風大振楊廷鑑貽詩有五峯今日高天  
下萬指都教拜下風之句後居超果徑山維摩堯  
峯十八年示寂福嚴年六十九著有語錄及漁樵

挂瓢等集

和澄靈法師山居韵

因僧問我西來意報道山居不計年看兔籬邊雲拭磴  
敲藤石上樹摩肩勤鋤小圃除黃甲閒拾枯枝煮白泉  
底事明明誰可語祇應高枕臥巖前

林古佛通奇

通奇字林野四川人十歲薙染十九南遊遍歷講  
席丁卯掩關平湖德藏寺一日失足墮樓大悟遂  
破關走姑蘓見悟和尚於清涼庵隨入天童人稱  
林古佛後從悟至嘉禾寓黃閣齋素園中受付囑  
焉乙酉主法天童通玄峯頂衲子奔趨冬夏布衣  
草履備歷艱苦塔於太白玲瓏巖

別嘉禾黃閣齋譚埽菴汪曾城諸公

兩載邨居意始舒  
綸竿未許下沮洳  
而今舞棹浙東去  
太白潭深有巨魚

輓周君謨

昔年曾共咏梅詞  
誰料幽香冷一池  
今日重來堦下立  
難將淚眼看空枝

青蓮禪師

禪師號浮石姓趙氏  
世居虎林移居平湖  
父老無子禱神得生  
生生後家業漸凋  
十三歲不茹葷十九

父母欲為完娶嘆曰此時不行他日難脫矣遂至  
普陀禮紹宗禪師薙染三月即歸省親為泣絕乃  
育髮日閱釋典一日在母前講說因果母曰汝既  
決志出家但無遠去由是復難度受雲栖蓮大師  
戒隨湛和尚開講海鹽天寧結刹秦山復隨至嘉  
禾東塔後往海鹽鶯窠山養親喪葬畢赴東塔請  
復上天童後隨本師密雲和尚至嘉禾黃履素園  
舉拂授之履素曰予昨夜夢小園池中開五色金

蓮乃應今日付浮大師豈不異哉是冬退居平湖  
青蓮寺復往報恩終焉

參金粟本師密老和尚

日脚垂來雨脚收幾邨晴樹引孤舟問津曾未迷前路  
到寺疑如見昔遊桑鼓遠聞金粟外海光直射石鷗頭  
幸生斯世逢斯老得入拈花第一流

送一拙歸徑山

白雲堆裏冷難辭鍊得身心百不知試問凌霄峯頂月

何人先見上松時

送聚之遊黃山

七十二灘一客舟上崖不必問徽州白雲成片風吹散  
三十六峯多露頭

落梅

零落枝頭春已窮或沾泥土或飄空莫言桃李多顏色  
盡在東風幾日中

山居

門前一徑向雲開，萬壑千崖腳下來。  
行到翠微深絕處，數聲啼鳥喚人回。

高庵道人宗泰

宗泰字古笠，平湖德藏寺僧。受法於費隱老和尚。  
時喜濡墨作顛草，或作小畫，後復往徑山高庵，自  
稱高庵道人。柯魯山謂其詩凡三變，而益進有閑  
世堂稿。

苓山夜話

時天童報恩二  
師應召入京

春日思雙徑苔溪取道還十年勞夢寐兩度到苓山底  
柏依然古苔花似舊斑近聞雙詔下何處有人間

無垢寺

在天目之麓梁昭明太子繙經處

一徑當門細無人竹戶開古藤緣殿角老柏舞荒臺日  
射松飈走林昏石虎埋斷碑橫古道繡徧六朝苔

懷高庵

高絕懸崖處吾廬向此分鳥啼寒磧竹樵語石牀雲樹  
裏江光遠窓中岱色紛夜深羣動息天籟定中聞



惟仁上人還日本兼呈同門黃蘗和尚

孤帆縹緲日邊來，積水波濤一望開。  
雲近石焦連合島，氣蒸天柱擁蓬萊。  
山王草長青駝出海國，花明白象回  
萬里扶桑心印在從教華夏起風雷。

次友人海內住山翁韻

敢叨海內住山翁，無用何妨立下風。  
竹榻穩眠麈似虎，松橋閒眺杖如龍。  
白搖絕壁千尋瀑，青惜當門三四峯。  
滿架琅函看不盡，啼殘黃鳥碧蘿中。

寄懷虞山髻珠頭陀

南疇水湧尚湖平天畔茅堂傍日明  
半榻琴書高士傳滿林松竹道人情  
披雲采朮尋虞仲帶雨鉏瓜訪邵平  
一住千秋忘理亂有時長嘯數峯青

重登雙徑

六年不上五峯顛聞道松杉幾變遷  
猶有凌霄一片月清秋仍照法堂前

天目道中

九月風高白露寒短筇拉伴出臨安亂餘山店人家少  
一路花開秋牡丹

松阿樵者常岫

常岫字蒼林別號懦翁又稱松阿樵者姓鄭其先  
本浙之黃巖入生京師十五歲雜染於大千佛寺  
為法華老人之孫性沉靜喜讀書與人交無貴賤  
皆敬禮之所居堂前有古松數株吟咏其下翛然  
自得如是者三十年徙上房山之邃園再遷良鄉

弘恩寺募永嘉天台諸山水思歸老於浙高澹人  
詹事居平湖得馮氏舊園為北墅割其中一區招  
之駐錫名曰籙數以戊辰八月入園己巳七月示  
寂其詩高簡冲澹有郊島遺風居千佛寺有祖華  
堂集聽濤稿寒濤閣稿墨香幢集遂清堂集佳大  
房六聘山有邃園稿東峰蘭若集寓良鄉弘恩寺  
有復古堂稿今僅選其籙數詩之一二焉

高詹事澹人得當湖馮氏耘廬舊業分別館一

區為余卓錫地漫賦四章志欣感之意寄詹事  
杖錫窮幽徑居然是辟疆愛鷗先浚水馴鶴亟謀糧金  
粟園香國曇花落寶牀嗟余遲暮眼煙月近微茫

去郭五六里舟行多板橋到門仍隔水入塢不禁樵荇  
淨波如拭簣低鳥故嬌長林真得地不枉主人招

湖口遠相望松聲靜處聞轉因多痼疾來住此烟雲上  
藥千年樹嘉苗五色耘儼同香積國與子欲平分

學士思歸隱頭陀得遂初紅芽經露輒紺甲帶雲舒徑

闢鈎衣石池涵避餌魚漫云中散地疑是小匡廬

漫興

倩得名園水一灣老梅修竹幾重關  
忘機且住因鷗狎抱膝成吟待鶴還  
剝土欲栽蔬脆美新苔任點石斑斕  
青青黯黯君知否絕勝他家大好山

金粟徑

桂乃山之幽胡為在原野迢迢越溪渚  
密密敵椽瓦開時仗好風香氣自飄灑  
最惜浪遊子采摘輒盈把真隱

豈用招匪類必久假悠然傷我情  
婆娑詠其下

籜數

紫籜解別徑分翠環一區茶烟出叢篁  
乃在東南隅聞鐘知有僧藹藹望若無  
過橋見蔬圃沿泉間灌夫此僧何所似  
云是一枯株落盡餘枝葉亦少好皮膚

靈隱

越嶺來探海內奇湖光山色兩相宜  
泉流不異臨川日石老猶懷未鑿時  
魚梵悠揚清曉發綺羅雜遝夕陽遲  
新逢

宸翰褒巖壑千古雲林道可期

南高峯無門洞追悼敷先大師

四十餘年懷此地今朝親上碧峯頭  
攀藤誤入無門洞恍見當時老比丘

將之樵李留別霽和尚

當湖名勝足烟蘿師本生居我後過縱有園林堪隱遁  
爭如杖履共婆娑長安路上相逢晚雁宕山前結念多  
不識何時能返棹江干立待老頭陀



山道人行深

行深字山年自稱山道人居平湖北郊曲水精舍

有寄寄吟

局老貽詩次韵

世路多岐折勞生未有涯喜君來竹戶同我飯松花  
畫靜忘談麈溪喧過釣槎閒身游物外烟樹望中斜

邨居

不住山居與水居閒棲樹下即吾廬窮陋地遠人烟靜

好夢宵回月影虛破俗攜鋤栽剝菊試閒燒燭讀焚書  
從他晦朔頻更序自嘆年來與俗疎

訪沈補石不遇

野色晴開天氣和雙溪溪水碧於羅詩同白也還耽酒  
書繼羲之可換鷺四海交遊名下士半生磊落市中歌  
尋君正欲論心素芳草衡門空我過

南岳道人元琳

元琳字氏庵乙丑至平湖止於德藏寺自言溫州

人從兵間居數年復自海外來紫髯綠眼偉岸人  
也其全稿未可得姑錄其瓢藁數篇

妙嚴山房小集

小集蕭齋興獨豪蓬門星聚碧天高曾收蒟醬扶行竹  
久擲昆吾切玉刀白眼看人懸斗印紫髯許我著方袍  
少年遊俠渾如昨不覺頭顱已二毛

超質上人

超質字石璞居平湖曹溪蘭若

秋夜宿三河

黃昏依古岸漁火照沙洲  
秋滿千山白灘銜亂石流  
推蓬光入枕繫樹影移舟  
不識誰家子清歌水上樓

冬關老人通復

通復字文可別號冬關老人嘉興胡氏子家世  
儒者多病出家梵誦之餘呶唔不輟於儒家書  
無所不窺詩宗浣花書法松雪好事家爭乞之  
晚年遊東粵歸格律益高曹侍郎秋岳稱

為畏友

資福院古柏用少陵古柏行韻

雙林不合生古柏交柯橫掃經臺石伊誰手植自何年  
拔險亭亭勢千尺地偏在昔失流傳物色人今爭嘆惜  
再誤田家父老談

里人相傳宋景定間院僧手植恐非

幾憎僧臘頭顱白

昨秋烽火塞江東烟飛金屋連娃宮百年瑩塚遍樵採  
無復松檟撐高空爾非不材獨何幸巋然殿角森幡風  
輪囷竟謝斧斤厄偃蹇翻成霜露功根深豈必求楹棟

招提似假神靈重  
蒼虬蟠攫陰雲歸  
寒鯨吼吞驚飈送  
一枝亦足供鷓鴣  
千仞寧爭下鸞鳳  
擬叩庭前話已陳  
西來響絕茲焉用

仲書由大梁之雲中二首

布帆連夜發報我  
太匆匆老覺情難  
別貧看淚不同岸  
花迎短櫂江柳作  
長風莫過侯嬴里  
荒涼汴水東  
阜帽因人重青樽  
待主寬路逢南客  
好暑到北天寒詩  
卷驕征索鄉心熟  
釣竿秋風上雙鬢  
知爾渡桑乾

春日松山

小磴容深坐苔連醉客苗晚風松落子晴日草浮春石  
逼孤支屋橋危側過人回看雙屐路又見落花新

陸氏西源山舍

興披蓁莽入曲塢倚嵯峨樹黑山魑遁天青峭壁孤出  
林鐘磬少搖檻麥葵多一瞬成今昔雍門意若何

荅倦圃夏日見懷

不見中林使炎飈月再過興傳詩札到愁破草廬多曉

色開青雨新涼到綠蘿何當狎猿鶴分榻伴金陀

寄梅邨先生

天曠冥鴻羽投林自有真江湖高縱酒日月老垂綸黑  
髮還初服青山奉潔身秋風瓜再熟未許故侯貧

戊申除夜

擾擾今何夕天涯習俗同髮稀霜後草身逐夜來鴻日  
絕山雲外潮昏海氣東那知聯榻地亦有佛燈紅

寒食



懷歸春欲盡忽忽又清明柳暗遊人路花深帶甲城江  
帆寧我待石瀨幾時平何物禁愁得林鶯轉晚晴

同周青士項東井徐敬可過倦圃五首之二用

少陵重遊何氏山林韻時公備兵雲中

舊識穿林徑重尋故壁書一谿平曲檻萬竹莽精廬果  
熟呼蒼鼠風晴跳白魚邊鴻多近信強半慰離居

興發傷頭白蹉跎恁問年強能驕杖履未敢失林泉里  
社虛軍壘人烟瘦郭田但令吾意適百感莫紛然

懷鶴江客燕邸

春林尚記晚香中  
短棹頻呼野渡東  
別淚吳亭斜夜月  
旅琴燕市渺秋蓬  
誰傳兵外加餐字  
醉惱霜前過枕鴻  
容易風塵銷骭髀  
侯門少為布衣通

滕王閣二首

千帆烟火章門市  
遠水低銜雉堞浮  
高閣一登窮戰日  
宜人多在晚山秋  
棟雲簾雨飛紅葉  
估唱漁歌起白鷗  
吳楚茫茫烟樹外  
滄桑依舊此江州

秋色蒼茫歸雁急  
客心搖落大江橫  
斷碑無復三唐物  
曲檻多屯百粵兵  
衰草衡門高士里  
西山返照落霞城  
思鄉易作登臨賦  
急浪長風日夜鳴

送天然和尚還丹霞

出山又見還山日  
兩地千江一月身  
熱喝雷驚聾耳客  
苦言藥盡死心人  
直提倒嶽傾湫句  
不動撓旗奪鼓塵  
歸坐丹霞最高頂  
梅花開徧雪前春

將之廣州留別南雄陸孝山使君二首

凌江南去是羊城崖石谿雲路幾程日暮櫓柔迎宿鷺  
峽中山好逼啼鶯東風冷換征衣急春草愁連客髻生  
真為荔枝紅勝玉饗夫踪跡易紛更

曰歸未遂經時改問爾何為更向南急浪長風如可借  
翠崖丹壑故須探城高蜃市連青海山壓蛟宮老碧潭  
回首兩湖霜夜月一星佛火澹茅庵

酬陳堯夫

重刺寒灘訪舊船踏莎猶記菊籬偏窓遙林散經時雨

厨冷禽窺過午烟杖笠路難搖落後登臨事異亂離前  
知君未肯論湖海閒數飛鴻過晚天

南華道上口號二首

山上谿連山下田午烟邨店接朝烟迴岡複澗多疑誤  
背後山頭忽在前

輕雲旋合忽旋開好鳥依人去復回七尺短藤圓笠子  
一溪行過一溪來

石菴師瑀

瑀字石庵楊姓蘇州崑山人得法於徑山費隱容  
禪師隨侍甚久出世石門福嚴復主海鹽金粟座  
下常及千衆頂有肉髻高寸許天下以石古佛稱  
之塔在臯亭佛日之瑞初山有法語并詩偈行世  
遊山寺

挈杖尋山水鞋香二月泥苔深入未到松靜鳥還啼遠  
嶠隨雲斷疎鐘隔樹低薜蘿堪結束斜日挂西谿

癸巳秋同午明兄樵李夜話

客中晤客意偏投  
蕉露虛窓滴茗甌  
已向龍池傳白麈  
漫同鴛水賦清秋  
梧桐葉落砧千里  
蟋蟀聲殘月一樓  
坐徹繩牀忘夜永  
東城曙色急更籌

送古兄和尚住徑山高庵

高庵栖隱亂雲中  
雙徑嵯峨望莫窮  
百尺寒松侵日月  
千尋瀑布落虛空  
竹爐茶沸黃昏雨  
瓦鼎香消白晝風  
定起蒲團猶有籟  
猿啼蟲語溼花叢

萍踪道人如曉

如曉字萍踪蕭山人栖隱天台石梁下晚居湖上  
往來嘉禾善畫竹有萍踪道人巖艇草

春暮

雨過郊原徧落紅柳絲無力繫東風春陰何處棲雙燕  
寂寞梨花小院中

行日

行日字獨明海鹽人有萍游草

徑峰天慧山居詩和元栢堂禪師韻



不譚塵世有炎涼靜坐龍山絕校量石室雲生渾似玉  
地爐火煖灼然香閒吟乍嘯風敲竹高臥誰吁露結霜  
幽鳥數聲剛逗巧綠蘿窓上艷清陽

通微

通微字萬如嘉興張氏子年十九出家受具歷叅  
名宿路傍聞叱小廝云看汝藏在那裏去不覺躍  
然大悟得法于密雲老人主曹山復住龍池順治  
丁酉冬示寂

與本徹禪人

策杖尋君偶上臺白雲深處見歸來隔年記得談詩處  
門外刺桐花乍開

通乘

通乘字石車金華朱氏子廿六歲棄家受具遠叅  
天童密老人機契得法繼席金粟宗風頗振出住  
童光將示寂僧問此後向甚麼處與和尚相見師  
曰徧界不曾藏僧作禮曰恁麼則向者裏與和尚

相見去也師曰莫錯認泊然而逝

簡黃端伯司理

料理荒厨飯甑空  
深山索處即空同  
修書遠寄黃司理  
愛爾窓間紅蓼風

老僧

霜作髭鬚雪作眉  
衲衣不怕朔風吹  
閒拖拄杖過橋去  
流水聲中訪阿誰

徐斗支

斗支字梁父嘉興萬壽宮道士有蜀道吟荆南雜  
詠

叙州逢鄉客留飲

南溪古夔國信宿也相宜月白山當戶風輕水滿陂鳥  
呼秦吉了藥咀五加皮萬里逢鄉客銜杯話所知

歸舟寄朱子蕃

春江自蜀來半是岷峨雪千里下江陵山山響鶻鳩

性琮

性琮字白法嘉興楞嚴寺僧有刺草

夜坐

新涼微月上雜坐小庭前  
莫更燒明燭飛蛾絕可憐

淨泚

淨泚號願菴原名丁元公字原躬嘉興布衣晚歲  
從古南牧雲學佛

題畫木芙蓉

吹徧鯉魚江岸風露條霜藥一重重  
謝家池上秋容潤

十里長隄間白紅

靜挺

靜挺字偃亭仁和人康熙壬子歲住錫嘉善慈雲  
興建叢林改教寺為禪寺有雲溪近稿十笏齋詩  
鈔

採薪行

西山日苦貧竹木摧為薪採薪猶自可邨里虛無人彌  
望春郊絕青草渾無樹枝托飛鳥斲養小兒大如天紛

拏路人捶路邊路人抱頭仰空泣囊中攫去官稅錢船  
子望之捨船走行船那敢出渡口東邨老媪伏斷垣少  
婦含涕都不言貿貿遠來誰氏子白金深裹衣帶裏徒  
卒奪之不肯與奮刃一擊路傍死蕭條百里罕人烟舉  
目川原倍可憐黃昏陰黯鬼火照清宵但聞猿狖叫

錢塘懷古

青丘西郭水連天慶忌孤墳落照偏夜夜海潮飛白馬  
年年江月度烏鳶越王臺榭愁荒草吳苑笙歌泣斷煙

七十二峰零亂後只今依舊采蓮船

東浦橫連第一橋御園烟鎖晚風飄櫻桃露重浮金碗  
楊柳春深度玉簫波湧兩湖漁火亂沙明十里馬蹄驕  
傷心華月高樓近郊外青旗久寂寥

秋雪菴

秋空一片白雲迷夾岼蘆花雪嶺齊迢遞梵王宮闕裏  
曉鐘飛度隔溪西

弘言



弘言字文遠號簡菴秀水人弱冠披緇吟咏成什  
後證心印於忍堂傑公有澗菴草

過菴帚精舍贈怡中和尚

楓林曳策步猶輕四顧紅黃列錦屏  
香稻穫殘分鳥啄蒼松積翠引龍經  
憑闌話古追菴帚倩壁題詩作砥礪

壁間晦山和尚東  
蒙居士有題咏

愛摘新蔬深款客不知斜日傍沙汀

禮忍堂先和尚塔

荏苒流光屬夢侵重來墓木拱幽森  
生機簇簇峰頭見

古路條條脚下深  
旋繞靈幢薦勺水  
恍於淵默聽雷音  
慣拈一喝聾人句  
個話誰能契此心

木魚頌

靈山玄要許流通  
枯木龍吟貝葉風  
幾度斜陽敲不盡  
滿庭新句落花紅

陳泓

泓字白浮嘉興萬壽宮道士有榔梅居詩藁

寄鄭子擴

暇日相期蕭寺東別來三月已秋風朝來載鶴船入報  
極浦芙蓉幾處紅

墨禪師銘起

銘起號墨菴文學沈中畏孫原名起字仲方於東  
禪寺出家好游覽著書甚富嘗曰明之亡不亡於  
流寇而亡於廠衛因撰明書絕筆於成化十二年  
秋始設西廠又學園集八卷續集一卷宗門近鈔  
二卷康熙壬戌病歿越明年曾學使王孫墓於東

禪寺之東南隅

三噫歌

有序

溪上計起三先生自號為蘆中老人抑聞蘆中人之  
風而興起者乎抱道終身賡志以歿墨子起有感焉  
為賦三噫之歌

噫彼蘆中人遇茲漁父不以蘆中老亦唯漁父噫惟今  
之人兮漁父為誰宜終老於蘆中兮沒世以無知沒世  
以無知噫

噫我行蘆中經春與冬鼓枻中流將安適從噫惟今之  
時兮此老為誰感蘆中之茫茫兮一往其莫追一往其  
莫追噫

噫東溪有蘆西溪有蘆溯游從之為有為無溯洄從之  
非夫斯夫噫又烏知其所之兮曾不我思庶蘆中以為  
期兮朝亦以為期暮亦以為期噫

南都行

君不見南都形勢何其雄九門天闕凌鴻濛又不見長

江汗漫千萬里江流直接蓬壺宮高帝精靈尚憑此龍  
翔鳳舉紛來同我行正值秋風老夜報羽書天未曉壯  
年伏櫪徒悲鳴擬將投匭長安道長安健馬

指當國之姓

食

粟肥長樂歌鐘待漏稀滿堂窈窕矜神麗別樣新裁大  
內衣龍灣鼙鼓江波急秦淮絃管追遊集司馬

阮大鍼

庭

前傳殺人中書門下招舶客犀貝珊瑚不計錢鮫人緬  
人貢竒特此時離宮門始開沉沉紅日鳳凰臺永巷宣  
傳桑落酒洛中忽報婕妤來掖廷真偽難陳說俄聞帝

屑潛東浙乘傳京師臨百僚東宮舊臣驚蹀躞是日冲  
人歸內廷頃刻神龍變為蛭微蛭拘囚龍莫稽都人肝  
腦為摧裂只今淮甸誰最尊名藩乘障比雲屯出入不  
由天子詔黃金填咽通侯門江南江北如敵國史相名可  
法孤軍不遑食精誠訴天天莫聞一似汾陽閒廢日國  
法可刑犴狴高空傳龍種尚垂髫天家疑案懸九鼎旅  
人一夕顏為凋

送倪鴻寶先生入都

詔進兵部左侍郎兼翰林學士

聖朝方側席兵事重兼文司馬平邦國非熊獵渭濱  
韜鈴今用老朋黨爾離羣此後煩神筭無忘宵肝勤

廣陵寓中

海陵太守陳函白貽我南金十二鐸逆旅由來非細故  
商歌為爾一開顏秦中寇盜兵戈際薊北風塵夢寐間  
只合傾囊同客醉賣漿屠狗未曾閒

平沙歷歷下橫塘遙憶幽人水一方旅次相思餘縞帶  
春來香夢浴鴛央崑崙夜曲誰消息湘漢游雲自渺茫



依舊孤清慙窈窕滿庭寒玉到琴牀

稿李詩繫卷三十三